



Broj:02-02-1465/17
Datum: 20.09.2017. godine

ZAPISNIK
SA SJEDNICE KOMISIJE ZA SPOMENIKE GRADSKOG VIJEĆA
održane 20.09.2017. godine

Prisutni:

1. Enes Husejnović, predsjedavajući Komisije
2. Sead Srna, zamjenik Predsjedavajućeg
3. Reuf Hafizović, član
4. Jasmin Smječanin, član
5. Nedim Dizdarević, član
6. Lana Velić, članica
7. Pavle Krstić, član

Iz Službe Gradskog vijeća rad sjednici prisustvovali:

- Mirjana Đanović Stanić, šef Odjeljenja za stručne poslove u Službi Gradskog vijeća
- Jasmin Pirija, stručni savjetnik

Po ovlaštenju Gradonačelnika sjednici prisustvovala:

- Senada Sušić, stručni savjetnik u Gradskoj službi za komunalne poslove

Predsjedavajući je otvorio sjednicu, pozdravio prisutne i utvrdio kvorum za punovažan rad i odlučivanje. Rad je nastavljen jednoglasnim usvjanjem sljedećeg **dnevnog red:**

1. Usvajanje zapisnika s prethodne sjednice
2. Razmatranje dopune Inicijative za podizanje Spomen – ploče HVO Sarajevo na području mjesne zajednice Čengić Vila 1
3. Razmatranje Inicijative gradskog vijećnika Nuke Grebovića da se u parku kod Predsjedništva postavi spomenik i Esadu Arnautaliću
4. Predlaganje tema za izradu Nacrta Programa rada Gradskog vijeća Grada Sarajeva za 2018. godinu
5. Tekuća pitanja

TAČKA 1.

Usvajanje zapisnika s prethodne sjednice

Zapisnik sa prethodne sjednice jednoglasno je usvojen.

TAČKA 2.

Razmatranje dopune Inicijative za podizanje Spomen – ploče HVO Sarajevo na području mjesne zajednice Čengić Vila 1

Poslije kratkih uvodnih napomena, te rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike je razmotrila dopunu Inicijative za podizanje Spomen – ploče HVO Sarajevo na području mjesne zajednice Čengić Vila 1 i konstatira da je predmet dopunjen u skladu sa zaključcima Komisije za spomenike.
2. Komisija za spomenike konstatira da je inicijator, između ostalog, naveo da se očekuje da će Grad Sarajevo sufinansirati podizanje spomenika, te se ne može dalje određivati o ovom predmetu, dok ne dobije od Gradonačelnika očitovanje o predloženom sufinansiranju iz Budžeta Grada Sarajeva.
3. Komisija za spomenike je stava da je možda tekst potrebno preformulirati tako da više bude usmjeren na spomen poginulim, u odnosu na formu organizacije, i to tako da tekst započinje sa činjenicama o braniteljima, odnosno početkom trećeg pasosa, a da prvi pasos predloženog teksta, postane treći, tako da tekst ne počinje formalnom definicijom „vojno političke organizacije“.
4. Potrebno je na sljedeću sjednicu Komisije, za koju se očekuje očitovanje Gradonačelnika, pozvati i predsjednika udruženja – inicijatora kako bi dodatno obrazložio inicijativu.

TAČKA 3.

Razmatranje Inicijative gradskog vijećnika Nuke Grebovića da se u parku kod Predsjedništva postavi spomenik i Esadu Arnautaliću

Poslije kratkih uvodnih napomena, te rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike je razmotrila Inicijativu gradskog vijećnika Nuke Grebovića da se u parku kod Predsjedništva postavi spomenik i Esadu Arnautaliću i konstatira da inicijativa nije potpuna, budući da nedostaje tekst vijećničke inicijative, a upoznata je da će se Gradsko vijeće izjašnjavati o inicijativi na sljedećoj sjednici, te će je Komisija za spomenike nakon toga razmatrati.

TAČKA 4.

Predlaganje tema za izradu Nacrta Programa rada Gradskog vijeća Grada Sarajeva za 2018. godinu

Poslije kratkih uvodnih napomena, te rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike predlaže da se u Nacrt Programa rada Gradskog vijeća Grada Sarajeva za 2018. godinu uvrsti razmatranje, u redovnoj proceduri, izmjena i dopuna Odluke o spomenicima od značaja za Grad Sarajevo.

TAČKA 5.
Tekuća pitanja

Poslije rasprave i sažetka Predsjedavajućeg, jednoglasno je zaključeno sljedeće:

Članovi Komisije su se dogovorili da se sljedeća sjednica održi u četvrtak 28.09.2017. godine u 10.00 sati, te se očekuje očitovanje Gradonačelnika po tački 2. ovog zapisnika, u potrebnom roku da bi i se ova sjednica mogla održati.

ZAPISNIČAR:
Jasmin Pirija, stručni savjetnik

PREDSJEDAVALAČI KOMISIJE
Enes Husejnović, s.r.